



TOSHKENT DAVLAT YURIDIK UNIVERSITETI REKTORINING B U Y R U G' I

06.07.2022

156-tm-son

Talabalar safidan chetlashtirish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Universitetda yuqori malakali va halol yuridik kadrlarni tayyorlash uchun halollik talablariga qat'iy rioya qilish tizimi yaratilgan.

Shunga qaramasdan ayrim talabalar tomonidan universitet Akademik halollik talablari va Odob-axloq kodeksini buzish holatlari kuzatilmoqda.

Xususan, 2021/2022 o'quv yili bahorgi semestrda talabalar tomonidan maxsus jihozlangan auditoriyalarda elektron ta'lim platformasi orqali kompyuterda o'tkaziladigan yakuniy nazorat yozma ishlarini topshirish jadvaliga muvofiq 2022-yil 15-iyun kuni Ma'muriy sud ish yurituvchi fanidan o'tkazilgan yakuniy nazorat imtihoniga Ommaviy huquq fakulteti 3-kurs talabasi Abdirashidov Dilshod Boxodir o'g'li o'rniga Ommaviy huquq fakulteti 3-kurs talabasi Toshqulov Suxrob Qurbon o'g'li kirganligi aniqlangan.

Mazkur holat talabalarning pushaymonlik bilan tan olib yozgan tushuntirishlarida ham tasdiqlangan.

Yuqoridagi harakatlari bilan talabalar D.Abdirashidov, S.Toshqulov universitet "Akademik halollik talablari"ning 21-bandi (shaxs sifatida namoyon qilish – imtihonlar, test sinovlari, laboratoriya ishlari yoki boshqa topshiriqlar paytida akademik imtiyozlarni qo'lga kiritish uchun o'zini boshqa shaxs sifatida namoyon qilish yoki o'z o'rniga boshqa shaxslarni kiritish), 38-bandi (mazkur Talablarning 21-bandida nazarda tutilgan akademik nohalollik (qoidabuzarlik)ka yo'l qo'yish – talabalar safidan chetlashtirish uchun asos bo'lishi) talablari hamda universitet Odob-axloq kodeksining 8-moddasi (Universitet xodim, talaba va doktorantlari o'z xizmat va o'qish faoliyatlarini amalga oshirishda adolatli, halol va xolis bo'lishlari); 10-moddasi (xodim, talaba va doktorantlar korrupsiyaga qarshi kurashishlari va uning profilaktikasiga faol ko'maklashishlari, shuningdek, Universitet korrupsiyaga qarshi kurashish Dasturi va Toshkent davlat yuridik

Universiteti xodim, talaba, o'quvchi va doktorantlari tomonidan korrupsiyaviy huquqbuzarliklar sodir etishga og'irish maqsadida murojaat qilish holatlari haqida xabardor qilish to'g'risida Nizom talablarini so'zsiz bajarishlari, o'z faoliyatlarini oshkora va adolatli amalga oshirishlari, yuqori axloqiy qadriyatlar va prinsiplarga sodiq qolgan holda qonun ustuvorligiga qat'iy rioya etishlari shart); 26-moddasi (Xodim, talaba va doktorantlar: qonun hujjatlari va mazkur Kodeks talablariga rioya etishga; doimo yuksaklikka intilish, halollik va adolat bilan hayot kechirish kabi olijanob fazilatlarini chuqur anglashga; odob-axloqqa oid milliy an'analarimiz, urf-odat va qadriyatlarimizni hurmat qilishga; o'z ustilarida doimiy ravishda ishlash va qabul qilinayotgan qonun hujjatlarini muntazam ravishda o'rganib borishga; o'z vazifalarini vijdonan, professional darajada amalga oshirishga; shaxsiy foydasi hamda o'zgalar manfaatini ko'zlab o'z mavqeini suiiste'mol qilmaslikka), 27-moddasida (talabalar yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o'zgalarga yordam ko'rsatmaslik; boshqa shaxslar tomonidan tayyorlangan topshiriqlar yoki yozma ishlarni o'z nomidan topshirmaslik) keltirilgan qoidalarini qo'pol ravishda buzgan.

O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandining "g" kichik bandi, O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizomning 43-bandining to'rtinchi xatboshisi, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universitetining "Akademik halollik talablari"ning 21, 38-bandlari, Odob-axloq kodeksining 8, 10, 26, 27-moddalari hamda universitetning Ichki tartib qoidolari (ichki mehnat tartibi qoidolari) 83-bandiga asosan, shuningdek 2022-yil 23-iyundagi Toshkent davlat yuridik universiteti Odob-axloq komissiyasi yig'ilishining 13-son majlis qarori hamda 2022-yil 24-iyundagi Toshkent davlat yuridik universiteti O'quv-uslubiy kengashining 4-son majlis qarori va va 2022-yil 15-iyundagi Talabani yozma imtihondan chetlashtirish to'g'risidagi dalolatnomaga muvofiq

BUYURAMAN:

1. Toshkent davlat yuridik universitetning Ommaviy huquq fakulteti Davlat-huquqiy faoliyat yo'nalishi 3-kurs B-potok 1-guruhda to'lov-kontrakt asosida o'quvchi talaba Abdirashidov Dilshod Boxodir o'g'li va 3-kurs B-potok 1-guruhda to'lov-kontrakt asosida o'quvchi talaba Toshqulov Suxrob Qurbon o'g'li akademik halollik qoidalarini buzganligi uchun talabalar safidan chetlashtirilsin.

2. Ma'naviyat va ma'rifat markazi fakultet dekanlari bilan birgalikda mazkur buyruq mazmun-mohiyatini talabalar e'tiboriga yetkazilishi va har bir

akademik guruhda keng muhokama qilinishini tashkillashtirsin.

3. Ommaviy huquq fakulteti dekani (Sh.Saydullayev) talabalar safidan chetlashtirish to'g'risidagi buyruq nusxasini talabalar safidan chiqarilgan fuqarolarning shaxsiy yig'ma jildiga tikilishini ta'minlasin.

4. Mazkur buyruq ijrosining nazorati o'quv ishlari bo'yicha prorektor –TDYU huzuridagi akademik litsey direktori I.Rustambekov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



Kelishildi:

Bosh buxgalter

M.PARPIYEV



O'quv ishlari bo'yicha prorektor -
TDYuU qoshidagi akademik litsey
direktori

I.RUSTAMBEKOV



Boshqarma boshlig'i

S.BOZAROV



Markaz direktori

S.MAMANAZAROV



Katta yuriskonsult

E.XOSILOV

